

興化府莆田縣志

卷三 建置

興化府莆田縣志卷二

建置志

易曰王公設險以守其國成周之卜宅也曰陰陽和風雨會古者建邦築城匪徒以固吾圉凡以用集簪裳振興政教也是故觀其國則向陽而治君子攸躋分閭建牙四方無侮納秸貢篚蓋藏取其有備也左祖右社百神於是憑依也觀其野則喬木之故家可仰也候館之賓至如歸也水涸而民未病涉也夫政有餘閒則事罔

佚墜考厥廢興因葺王政之修咸在是矣至若
憑吊古人託情方外覽勝者亦時有取焉作建

置志

城池

莆陽自設邑七百年設郡三百年至宋紹

定三年始稱完城蓋開闢之難如此曾知
軍用虎之功真千古矣暨明洪武十二年指
揮程昇奏請闢城越舊濠跨烏石厓前後埭
而環之而城始廣又迨萬歷九年知府陸通
霄重拓城垣圍烏石山于內而城始無取却
後人謹而修之金湯之固無以易也論其形
勝則九華後擁壺公前朝古囊五侯四山簇
布木蘭延壽二水滙流允稱具美但東方低
缺水趨而出風鼓而入寧海一橋堪砥柱云

興化府莆田縣城卽陳時置縣地初未設城宋大平

興國八年從轉運使楊克讓請詔移游洋軍治于

莆田初築子城以護官廨周廻二里三百一十步

拓土垣以環民居版築草荆上覆以茅而已宣和

三年始築城高一丈五尺基厚半之甃以磚甃周

廻七里八十三步引北澗水爲濠今小西湖及廣

一丈深六尺繚城而達于東南與西南溝塹合爲

門五東曰望海以近白湖名西曰肅清以湟槃識吾居

名南曰望仙以面壺山名北曰望京以朝京由是出東

北曰寧真以天慶觀名在各建樓其上紹定元年

城傾盜起民無所恃多潰去邑人陳龍圖宓倡議

更築會知軍王克恭通判趙汝盥相繼卽世三年

知軍趙汝固疏于朝賜祠牒五千助築未至而趙

去知軍曾用虎繼之乃益市木石覈工徒於是城

始告成周迴千二百九十八丈八尺高一丈八尺

表裏石砌覆以磚稱完城郡人侍郎劉克莊記

爲甫

郡且三百年不克有城皆曰樂土也緩事也一日
盜起汀邵他州皆增陴浚隍莆四封蕩然破扉不
闔未幾盜寢南侵勢且及境富家實人咸欲潰去
郡人陳公宓始倡版築之議士民和之臺郡是少
會王侯克恭病委其責於通守趙君汝盥事方有
緒而王趙相踵卽世趙侯汝固始至顧郡九已隳

則拜疏求助于朝有旨賜祠牒五十未至而趙侯
去陳公與郡人太息曰城其中輟乎於是天子擢
曾侯用虎知軍事侯博訪于衆或謂城庫且薄不
足恃或謂費雜且廣無以繼侯奮然曰庫者可高
也薄者可厚也役不可以已也且吾患無政不患
無財益市木石益僦工徒先是官畫丈尺俾僧幹
築僧有能否有勤惰而官無賞罰侯斥逐其不勉
者向之苟簡悉趨堅如旣成長一千二百九十八
丈八尺高一丈八尺表裏以石覆以磚五門樓堞
丹堊煥然憑高望之鉅麗突兀凡用石以丈計者
五萬七千一百七十二輒大小六十七萬八百夫
五萬一千四百糜縑一萬四千六百七十七楮幣
六萬六千八百內楮四萬朝家所賜錢楮各千漕
臺所助餘悉出郡帑助於紹定三年之春訖於四
年之冬蓋三百年不克爲者一朝而就城成之明
年歲豐盜熄乃下令蠲夏稅一年以樽節之贏代
輪囷侯知築是城又知所以守是城矣初役之興
陳公最盡力且率大夫國人各相斥勵其後通守

趙君汝驪判官趙君汝茨與有勞焉莆人喜守備
之固美蕃宣之勤復悲陳公之不及見也某亦版
籍一民獲以筆墨小枝
記事之成顧非幸與

元至正十四年同知關保因舊址重修是後兵亂
城陷者再明洪武三年本衛指揮李春復加葺繕
十二年指揮程昇以增設軍士城隘難容奏請闢
城許之乃越舊壕跨烏石山東下歷前埭後埭與
舊城合延袤一十一里週二千八百三十丈基廣
一丈六尺牆高一丈八尺埭六尸共高二丈四尺
表裏砌以石爲垛二千九百六十有二窩舖四十

有九敵臺二十有七爲門四東西仍舊名南改曰
迎仙北新開門改曰拱辰各建樓其上廢寧真門
不用門內各置兵馬司以盤詰出入水關門二東
通舟楫西低小欄以石盾僅容水入而已城外壕
池左起東北隅折而南引壽溪水注之右起西北
隅折而東引木蘭溪水注之二水交合共長一千
七百七十五丈廣二丈六尺深一丈西北負山鑿爲
旱壕長五百九十三丈廣二丈六尺深二丈
旱壕久被
侵沒爲
圖宜復成化間沙尤寇發禍延七郡巡撫都御史

張瑄蒞莆命郡衛同修城濬壕及重建門樓郡人
學士林文記嘉靖三十七年倭寇薄城下守者射
斃數寇尋遁於是分守萬衣命增腰牆高三尺垛
砌稍濶增九百有十築二大敵臺於城西北界自
是寇無寧歲四十一年十一月倭大集環攻三旬
守困援絕竟爲僞卒內應城陷屠戮甚慘據兩閤
月復出而破崎頭城平海城及知府易道談至四
顧門樓焚燬首爲修復又置城守器械民始還集
已而郡人御史林潤疏請帑金至於是巡撫譚綸

據總兵戚繼光議行令城外西北築牆高七尺北門至西水關築土牆四百五十丈西水關至西門築石牆六百三十四丈五尺添設敵臺六座時嘉靖四十三年也隆慶元年分守楊準以腰牆過高每用桌凳立守不便命知縣徐執策設副堦于堞口五年分守陰武卿命同知錢穀重新東北二門樓改東門曰鎮海西永清南迎和北仍拱辰云萬歷九年知府陸通霄以城西北一隅跨山腰之半遺其高者于外元至正己亥寇竄從城西門外射

走守垣者近壬戌之變倭亦乘此越入此地利不可失也於是申請院道重拓西北城垣將高岡包圍在內長八十五丈五尺高二丈濶一丈建敵樓一座窩舖二座方門二座垛子一百八十二十九年知縣孫繼有復申請院道修砌舊城三十六年知縣何南金重修周廻砌以磚石樓堞副堦一新四十二年知府徐穆開濬城濠四周六百餘丈各深六尺 國朝雍正八年知府張嗣昌知縣汪郊重修雉堞邑人太僕卿林源記

皇上御極之七年浮山張公來守

是邦公先任福郡司馬繼移泉郡兼理沿海稅務
于閩省山川民物風土情形知之甚悉而沿海數
十里官吏軍民仰其風采者亦甚久甫下張弛
興革無不悉中窾要頌聲大作顧城垣頽裂雉堞
傾倒數十年未修公見而慨然曰政尙有大政此
乎爰口夜計畫與大尹汪君謀所以修葺之攷此
城築自宋紹定元年原周圍千二百九十八丈八
尺明洪武三年增修二千八百三十八丈萬歷九年
又拓西北城八十五丈五尺包山匯水綿亘蜿蜒
爲費不貲乃于罰鍰中得莆邑五百緡仙邑一千
緡請于上臺與汪君區畫經理自雍正八年孟秋
興工至九年孟夏告竣向之頽裂傾倒悉歸堅固
五樓百堞丹堊嚴整憑高望之鉅麗崢嶸凡用石
以丈計者二千七百一十二甃以塊計者大小三
十七萬四千四百有奇灰以石計者七百八十五
大匠六千四百六十有奇悉取之罰鍰不足則捐
俸以益之民間晏然若不知有大工大役者皆
精思厚力有以無運之余通籍十有六年昨得

恩旨歸里正工將竣時從數里外望見城郭嵯峨
煥然一新迥非辭里門時墮頽剥落狀不覺喜動
輿而閭井桑府鬱茂滋潤婦子熙熙自適皆公
一年來所爲涵濡而撫育之者而余以泉石老人
■觀厥盛寧非深幸方欲與公講久道化成之治
而漳郡闕守借公以去闔郡士民挽留不得歷數
公善政娓娓不能盡余謂修城之役乃政之最
大者因爲紀其事于石俾後之人有所考焉

演炮亭舊無建設乾隆七年協鎮張良弼就郡治西
州峯之頂開掘削平蓋亭演鎗打靶致郡城地脉
受傷莆紳士僉請知府瀨善協鎮馬龍圖會詳移
建于北門外城壩官地軍民稱便

平海衛城在縣東九十里地名南嘯洪武二十年因

倭患特命江夏侯周德興相度要害創立衛所建

平海衛城遣興化衛指揮呂謙監築時折東角濶浪海堤石移

砌此城周廻八百六丈七尺廣一丈四尺高一丈八

尺垛高六尺計垛一千三百一十窩舖三十門四

東西二南二俗呼大南門小南門各建樓其上城形勢北仰

南俯三面際海以海爲池不鑿塹城北不置門據

高山築臺以瞭望泉見小琉球南見濳洲諸灣正

統八年侍郎焦宏奉差巡視海上命本衛指揮王

茂增築敵臺數十宏治十年七月颶風作城樓窩

鋪掀揭無存監司命指揮王昊區畫修治如故嘉
靖四十二年二月倭寇陷城八月知府易道談議
折糧銀轉發指揮邱鼎實等監督興復及置守城
器械隆慶四年夏風雨異常門樓關垣又壞知府
林有源議給糧剩銀重修今廢

莆禧所城在郡城東南九十里洪武二十年江夏候

周德興命指揮呂謙與平海衛同建

亦折海堤石移砌

周

廻五百九十丈廣一丈二尺高一丈二尺垛六尺

計垛一千四十有九窩舖二十門四各建樓其上

東南北阻海西鑿旱壕長二百一十丈廣二丈深
八尺歲久傾壞萬歷三年分守宋豫鄉命知府呂
一靜重修城樓窩舖俱完復於四門各築敵臺一
座以便守禦今廢

迎仙寨城在縣東北待賢里

宋時已置巡檢司城周圍一十五丈廣一丈

二尺塚三百有八窩舖
八門二各建樓其上

沖沁寨城在縣東興福里

墩二寨城在縣東武盛里

青山寨城在縣東奉國里

吉丁寨城在縣東南新安里今廢

以上五城皆周德興命呂諤同尉並

建其制度大畧相同

小嶼皇城在縣東南醴泉里洪武間有小嶼巡檢司

城與迎仙四寨並建嘉靖十三年仙遊縣知縣蕭

宏魯奏徙司于仙遊白隔嶺城隨圯三十八年倭

寇起民願出貲築堡自衛監司下其議知府陳瑞

龍將舊寨城改築周迴九百丈萬歷三年知府呂

一靜復據地方主稱北邊地勢外高難以守禦於

是命檢校王价修闢廣三十丈今廢